

靈

樞

經

靈樞經卷之七

錢塘張志聰隱庵

余國錫伯榮

同學

任允謙谷庵

合參

門人王弘義子方校正

逆順第五十五

黃帝問于伯高曰。余聞氣有逆順。脉有盛衰。刺有大约。可得聞乎。伯高曰。氣之逆順者。所以應天地陰陽四時五行也。脉之盛衰者。所以候血氣之虛實。有餘不足也。刺之大

經脈內虛
經實入則
經有餘外
不足也
大氣以通
血之則與
氣

納者必明知病之可刺與其未可刺與其已不可刺也。

余伯樂曰。此論病氣亦隨血氣出入于皮膚經脈之外
內而刺之有法也。氣有逆順者。謂經脈外內之氣交相
逆順而行。所以應天地陰陽四時五行之升降出入。脈
有盛衰者。謂經脈外內之血氣有出有入。是以有虛有
實。有有餘有不足也。刺之大約者。必明知病之方來之
可刺也。與其方盛之未可刺也。與其已過之不可刺也。
黃帝曰。笑之奈何。伯高曰。兵法曰。無迎逢逢之氣。無擊堂
堂之障。刺法曰。無刺熇熇之熱。無刺漉漉之汗。無刺渾渾

之脉。無刺病與脉相逆者。黃帝曰。候其可刺奈何。伯高曰。上工刺其未生者也。其次刺其未盛者也。其次刺其已衰者也。下工刺其方襲者也。與其形之盛者也。與其病之與脉相逆者也。故曰方其盛也。勿敢毀傷。刺其已衰。事必大昌。故曰上工治未病。不治已病。此之謂也。逢叶彭

此言刺法有如兵法。當避其來銳。擊其情歸。按史記軒轅之特。神農時世衰。諸侯相侵伐。及蚩尤作亂。軒轅乃習用干戈。以征不享。故卽以用兵之法。而爲刺之大約。一夫戰勇氣也。一鼓作氣。再而衰。三而竭。是以無迎逢。逢

之氣無擊堂堂之陣。俟其氣衰輒亂。然後擊之。無有不克者矣。焮焮之熱。熱盛于皮膚也。漉漉之汗。邪盛在肌腠也。渾渾之脈。邪入于經脈也。病與脈相逆者。真邪相攻也。難合真邪論曰。夫邪去絡入于經也。舍于血脈之中。其寒溫未相得。如漏波之起也。時來時去。方其來也。必按而止之。無逢其衝而寫之。知機之道。不可掛以髮。蓋邪之方盛不可迎。邪之以往不可追。俟其來去之時。如發機之速。不可差之毫髮者也。刺其未生者。未生于脈中也。未盛者。邪來之未盛。已衰者。邪去之已衰。故曰。

方其盛也。勿敢毀傷。謂邪氣方盛。則真氣大虛。故勿敢
寫邪。以傷正氣。刺其已衰。事必大昌。上工治未病者。未
病于脉中也。蓋傳溜于血脉。則有入府于藏之患矣。○
余伯榮曰。按此篇篇名逆順。而伯高曰。氣之逆順。所以
應天地陰陽四時五行也。是雖論刺之大約。而重在氣
之逆順。夫天道右遷。地道左轉。四時之氣。寒往則暑來。
暑往則寒來。升降出入于天地之外內者也。五藏者。生
一長化收藏之氣。此皆陰陽相貫。環轉無端。夫人皮以應
天。肌肉應地。血脉應地之經水。氣之逆順。謂氣之環轉。

出入于脉
相逆者
邪已合則
沈脫不起
脈面行

于經脉皮膚之外內。交相逆順而行。以應天地陰陽。四
時五行之氣。是以下工刺其方襲者。謂病之方襲于脉
中也。與其形之盛者。謂病之盛于皮膚。而爲焮焮之熱。
漉漉之汗也。與其病之與脉相逆者。謂病邪始入于脉
也。蓋脉氣之出于皮膚。從經而脉。脉而絡。絡而孫。孫絡
絕而后出于氣街。邪之入于經脉。去皮膚而入于絡。去
絡而入于經。是以病與脉之相逆也。夫邪去絡入于經
也。如漏波之起。時來時去。無有常在。其病氣已衰。則順
脉而行矣。故曰刺其已衰。事必大昌。此篇重在知人氣

之逆順。應天地四時五行。則知邪病之入矣。

五味第五十六

黃帝曰。願聞穀氣有五味。其入五藏分別奈何。伯高曰。胃者五藏六府之海也。水穀皆入于胃。五藏六府皆稟氣于胃。五味各走其所喜。穀味酸。先走肝。穀味苦。先走心。穀味甘。先走脾。穀味辛。先走肺。穀味鹹。先走腎。穀氣津液已行。榮衛大通。乃化精粕。以次傳下。

任谷庵曰。此章論五藏六府津液榮衛皆秉氣于胃。府水穀之所生養。夫穀入于口。其味有五。各歸所喜。津液

各走其道。穀氣津液已行。榮衛大通。所化之糟粕。乃傳于小腸大腸。循下焦而滲入膀胱也。

黃帝曰。榮衛之行奈何。伯高曰。穀始入于胃。其精微者。先出于胃之兩焦。以溉五藏。別出兩行榮衛之道。其大氣之搏而不行者。積于胸中。命曰氣海。出于肺。循喉咽。故呼則出。吸則入。天地之精氣。其大數常出三入一。故穀不入半日。則氣衰。一日則氣少矣。搏音圖

任氏曰。此言入胃水穀所生之精氣。先出于胃之兩焦。以溉五藏。兩焦。上焦中焦也。上焦出胃上口。中焦亦重

胃中故曰胃之兩焦穀入于胃以傳于脾五藏
以受氣別出兩行榮衛之道其清者爲榮濁者爲衛榮
行脉中衛行脉外大氣宗氣也胸中膻中也其宗氣之
搏而不行者積于胸中命曰氣海上出于肺謂喉咽以
司呼吸呼則氣出吸則氣入也天食人以五氣地食人
以五味穀入于胃化其精微有五氣五味故爲天地之
精氣五穀入于胃也其糟粕津液宗氣分爲三隧故其
大數常出三入一蓋所入者穀而所出者乃化糟粕以
大便傳下其津液溉五藏而生榮衛其宗氣積于胸中以

司呼吸其所出有三者之隧道故穀不入半日則氣衰。一日則氣少矣。○余伯榮曰。按本篇言大氣之搏而不行者。積于胸中。命曰氣海。出于肺。循喉嚨。故呼則出。吸則入。此宗氣之行于脉外也。蓋肺主皮毛。人一呼則氣出。而入萬四千毛竅。皆闔。一吸則氣入。而入萬四千毛竅。皆開。此應呼吸而司開闔者也。邪客篇云。宗氣積于胸中。出于喉嚨。以貫心脉。而行呼吸。此宗氣之行于脉中也。一呼一吸。脉行六寸。晝夜一萬三千五百息。脉行八百一丈爲一周。此應呼吸而脉行循度環轉者也。故

曰宗氣流于海。其下者注于氣街。其上者走于息道。熱行于脉外者。直下注于氣街。而克通于皮毛也。

黃帝曰。穀之五味。可得聞乎。伯高曰。請盡言之。五穀。杭麥甘。麻酸。大豆鹹。麥苦。黃黍辛。五果。棗甘。李酸。栗鹹。杏苦。桃辛。五畜。牛甘。犬酸。猪鹹。羊苦。鷄辛。五菜。葵甘。韭酸。藿鹹。薤苦。葱辛。五色。黃色宜甘。青色宜酸。黑色宜鹹。赤色宜苦。白色宜辛。凡此五者。各有所宜。所謂五色者。脾病者宜食杭米飯。牛肉。棗葵。心病者宜食麥。羊肉。杏薤。腎病者宜食大豆黃卷。猪肉。栗藿。肝病者宜食麻。犬肉。李薤。肺病者宜食

合于味

黃黍。雞肉。桃。葱。菰。梗。同。

一。余伯榮曰。五穀爲養。五果爲助。五畜爲益。五菜爲充。氣味合而服之。以補精益氣。是以五色合五味。而各有所宜也。五藏內合五行。外合五色。五味入胃。各歸所喜。津液各走其道。以養五藏。故五藏病者。隨五味所宜也。五禁。肝病禁辛。心病禁鹹。脾病禁酸。腎病禁甘。肺病禁苦。余氏曰。五味五氣。有生有剋。有補有寫。故五藏有病。禁服勝剋之味。

肝色青。宜食甘。秬。米。飯。牛。肉。棗。葵。皆甘。心色赤。宜食酸。犬。

肉麻李韭皆酸。脾色黃宜食鹹。大豆豕肉栗薤皆鹹。脾色
白宜食苦。麥羊肉杏薤皆苦。腎色黑宜食辛。黃黍雞肉桃
葱皆辛。

藏氣法時論曰。肝苦急。急食甘以緩之。心苦緩。急食酸
以收之。脾苦濕。急食苦以燥之。肺苦氣上逆。急食苦以
泄之。腎苦燥。急食辛以潤之。夫色者。氣之華也。緩急燥
濕藏氣之不和也。五藏有五氣之苦。故宜五味以調之。
用陰而和陽也。愚按脾苦濕。急食苦以燥之。而又曰脾
色黃宜食鹹。大豆豕肉栗薤皆鹹。蓋脾爲陰中之至陰。

而主濕土之氣。乃喜燥而惡寒濕者也。故宜食苦以燥之。然灌溉于四藏。土氣潤濕而后乃流行。故又宜食鹹以潤之。是以玉機真藏論曰。脾者土也。孤藏以灌四旁者也。其來如水之流者。此謂太過病在外。故宜急食苦以燥之。如鳥之喙者。此謂不及病在中。謂如黔喙之屬。艮止而不行。是以食鹹以滋其潤濕而灌溉也。蓋脾爲土藏。位居中央。不得中和之氣。則有太過不及之分。是以食味之有兩宜也。

水脹第五十七

黃帝問于歧伯曰。水與膚脹。鼓脹。腸覃。石瘕。石水。何以別之。覃音堂

余伯榮曰。此章論寒水之邪。而爲水與膚脹鼓脹腸覃石瘕諸證。經云。太陽之上。寒水主之。寒者水之氣也。腎與膀胱皆積水也。故曰石水。石水者腎水也。如水溢于皮間。則爲皮水。寒乘于肌膚。則爲膚脹。留于空郭。則爲鼓脹。客于腸外。則爲腸覃。客于子門。則爲石瘕。皆水與寒氣之爲病也。夫邪之所湊。其正必虛。外之皮膚肌腠。

內之藏府募原。腸胃空郭。皆正氣之所循行。氣化則水行。氣傷則水凝聚而爲病。是以凡論水病。當先體認其正氣。知正氣之循行出入。則知所以治之之法矣。

歧伯答曰。水始起也。目窠上微腫。如新卧起之狀。其頸脈動。時欬。陰股間寒。足脛腫。腹乃大。其水已成矣。以手按其腹。隨手而起。如裹水之狀。此其候也。

余氏曰。此太陽膀胱之水。溢于皮膚而爲水脹也。太陽之氣。運行于膚表。此水隨氣溢而爲病也。太陽之脈起于目內眥。上額交巔。循頸而下。目窠上微腫。水循經而

溢于上也。其頸脉動。水傷氣而及于脉也。欬者。水邪上乘于肺也。陰股寒。足脛腫。太陽之氣虛。而水流于下也。腹大者。水泛而土虛也。水在皮中。故按之隨手而起。如裹水之狀。此其候也。

黃帝曰。膚脹何以候之。歧伯曰。膚脹者。寒氣客于皮膚之間。蹇蹇然不堅。腹大。身盡腫。皮厚。按其腹。窅而不起。腹色不變。此其候也。蹇音空。或聲育音杏。

余氏曰。寒者。水之氣也。此無形之氣。客于皮膚。而爲虛脹也。無形之氣。故蹇蹇然不堅。氣脹。故腹大。身盡腫也。

寒氣在于肌腠。故皮厚。膏深也。夫水在皮中。故按之即起。此病在氣。故按其腹。膏而不起。腹色不變者。寒氣在皮膚而脾土未傷也。

鼓脹何如。岐伯曰。腹脹身皆大。大與膚脹等也。色蒼黃。腹筋起。此其候也。

余氏曰。此寒氣乘于空郭之中。所謂藏寒生滿病也。藏寒者。水藏之寒氣盛。而火土之氣衰也。身皆大者。脾主肌肉也。色蒼黃。腹筋起者。土敗而木氣乘之也。

腸覃何如。岐伯曰。寒氣客于腸外。與衛氣相搏。氣不得

雖藏故如
懷子之狀
推之則移

因有所繫。癢而內着。惡氣乃起。瘰肉乃生。其始生也。大如
鷄卵。稍以益大。至其成。如懷子之狀。久者雖藏。按之則堅。
推之則移。月事以時下。此其候也。藏書文獻今文正

此寒氣客于腸外而生覃也。大衛氣夜循藏府之募原。
行陰二十五度。寒氣客于腸外。與衛氣相搏。則衛氣不
得營行矣。因有所繫。癢而內着者。此無形之氣相搏于
腸外空郭之中。而着于有形之奇募也。是以血肉之惡
氣乃起。瘰肉乃生。而成此覃。久則離于藏府之脂膜。如
懷子之虛懸。按之則堅。推之則移。不涉于藏府。故月事

以時下此其候也。

石痕何如。歧伯曰。石痕生于胞中。寒氣客于子門。子門閉。塞氣不得通。惡血當寫不寫。以留止。已以益大。狀如懷子。月事不以時下。皆生于女子。可導而下。

余天曰。胞中血海也。在少腹內。男子之血。上唇口而生。一髮鬚。女子月事以時下。寒氣客于子門。則子門閉。而胞中一斗之血。當寫不寫。留積而成衃塊。日以益大。狀如懷子。血留胞中。故月事不以時下。衃痕皆生于女子。治之者可導而下之。

須臾一月
而下不至
衃故曰
衃血

黃帝曰。膚脹鼓脹可刺耶。岐伯曰。先寫其脹之血絡。後調其經。刺去其血絡也。

余氏曰。膚脹者。寒氣客于外。鼓脹者。寒氣客于內。故先寫其脹之血絡。後調其經。刺去其血絡。蓋先寫其外。後調其內。而復治其外。外內之相通也。任氏曰。腸覃石瘕。乃有形之血積。可從氣分而導之。膚脹鼓脹。乃無形之氣脹。可從血絡而寫之。血氣之相通也。

賊風第五十八

黃帝曰。夫子言賊風邪氣之傷人也。令人病焉。今有其不
離屏蔽。不出室穴之中。卒然病者。非不離賊風邪氣其故
何也。岐伯曰。此皆嘗有所傷于濕。氣藏于血脉之中。分肉
之間。久留而不去。若有所墮墜。惡血在內而不去。卒然喜
怒不節。飲食不適。寒溫不時。腠理閉而不通。其開而遇風
寒。則血氣凝結。與故邪相襲。則爲寒痺。其有熱則汗出。汗
出則受風。雖不遇賊風邪氣。必有因加而發焉。

此篇論病形而傷其精氣神也。三邪雜至。合而爲痺。在

內而傷其精氣神者。有似乎鬼神。可祝由而已也。篇名賊風者。言往古之人。恬憺虛無。精神內守。邪不能深入。故可移精祝由而已。當今之世不然。憂患緣其內。苦形傷其外。賊風數至。虛邪朝夕。內至五藏骨髓。外傷空竅肌膚。故祝由不能已也。夫心主脈。諸血者皆屬于心。嘗有所傷于濕。氣藏于血脈之中。則傷心藏之神矣。分肉者。三焦通會元真之處。留于分肉之間。則傷其氣矣。若有所墮墜。則有傷于筋骨。筋卽爲肝。骨卽爲腎。血卽爲心。惡血在內。則傷心藏之神。有傷于筋。則傷肝藏之魂。

有傷于骨。則傷腎藏之精。卒然喜怒不節。則更傷所藏之神魂。飲食不適。則更傷水穀之精液。寒溫不時。則傷在外之形氣。形氣傷。則腠理閉而不通。其開而遇風寒。則氣凝結。與故之濕邪相襲。則風寒濕三氣雜合。而爲痺矣。其開而遇風者。以有熱則汗出。蓋熱乃火之氣。汗乃精血之液。因傷其精神。是以熱則氣弛。汗出而風入也。汗出則受風。雖不遇風。邪氣必有因加于風寒而發焉。○任谷庵曰。賊風邪氣。不正之邪氣也。風寒。天之正氣也。因有故邪。開而汗出。故因加而合爲邪病焉。○

一王子方曰風傷氣寒傷神濕傷精。蓋風傷衛寒傷榮而
寒水之氣又傷心火也。濕乃土之邪氣故傷腎藏之精。
是以傷于濕者則爲痿厥。痿者骨痿厥者腎藏之生氣
厥逆而四支清冷也。

黃帝曰夫子之所言者皆病人之所自知也。其毋所遇邪
氣又無怵惕之所志卒然而病者其故何也。惟有所遇鬼神
之事乎。岐伯曰此亦有故邪留而未發。因而志有所惡及
有所慕血氣內亂兩氣相搏其所從來者微視之不見聽
而不聞故似鬼神。其無同惡去旋

身之虛原
與外之分

身之虛原
與外之分

此言病在內而傷其精。氣神也。故邪留而未發者。留于
藏府募原之間。則有傷于氣矣。水之精爲志。火之精爲
神。志有所惡。則傷腎藏之精。心有所慕。則傷心藏之神。
血氣內亂。真邪相搏。其所由來者漸矣。此病氣而不病
形。故視之不見。聽之勿聞。若有似乎鬼神。夫魂游爲神。
魄降爲鬼。隨神往來。謂之魂。並精而出謂之魄。精神內
傷。則魂魄飛揚。而有似乎鬼神也。

黃帝曰。其視而已者。其故何也。歧伯曰。先平者。已知有病
之勝。先知其病之所從生者。可視而已也。

知百病之勝者。知精氣神三者能勝其百病也。知其病之所從生者。知先傷其精氣神而病之所由生也。可祝而已者。先巫之能移精。變氣而通神明也。○王子方曰。上古有十三科。祝由乃其一也。先巫者言上古之能祝由而愈病者。謂之巫醫。故古之醫字從巫。非與師巫之賤役比也。南人有言曰。人而無恒。不可以作巫醫。卽上古祝而已病之醫。非醫巫之有二也。

衛氣失常第五十九

黃帝曰。衛氣之留于腹中。積積不行。菴菴不得常所。使人
腹腸胃中滿。喘呼逆息者。何以去之。伯高曰。其氣積于胸
中者。上取之。積于腹中者。下取之。上下皆滿者。傍取之。黃
帝曰。取之奈何。伯高對曰。積于上。寫大迎。天突。喉中。積于
下者。寫三里。與氣街。上下皆滿者。上下取之。與季脇之下
一寸。重者。錫足取之。診視其脉大而弦急。及絕不至者。及
腹皮急甚者。不可刺也。黃帝曰。善。

菴音菴

此篇論衛氣失常。以明衛氣所出所主之常。所有浮沉

前論有
子內論
有係于
皆謂之
事

淺深及太過不及之別按第七十六之衛氣行章始集
氣晝行于陽夜行于陰外內出入之循度此篇論衛氣
始生始出之道路主于皮肉筋骨之間所以溫分肉充
皮膚肥腠理而司開闔者也夫衛氣者陽明水穀之悍
氣也穀入于胃其精微者先出于胃之兩焦以溉五藏
別出兩行營衛之道榮行脉中衛行脉外所謂別出者
與穀入于胃乃傳之肺流溢于中布散于外精專者行
于經隧常營無已終而復始之營氣所出之道路各別
也衛氣與宗氣所出之道路各別也兩行者謂榮氣出

未滿而
之始出
人本經
之始而
流行
之始
心本經

于氣分而。行于脉中。衛氣出于脉中而散于脉外。此陰陽血氣交互之妙道也。夫精專者。行于經隧之榮血。始于手太陰肺。終于足厥陰肝。藏府相通。外內相貫。環轉無端。終而復始。與榮行脉中。一呼一吸。脉行六寸。日行二十五度。夜行二十五度之道路各別也。所謂榮行脉中。以應呼吸漏下者。乃中焦所生之津液。隨三焦出氣外。注于皮膚。谿谷之氣分。滲入于孫脉絡脉。化而爲赤者也。五癰篇之所謂三焦出氣。以溫肌肉。充皮膚。爲其津。其流而不行者爲液。次氣章之所謂精和津液宗氣。

身爲三髓。榮氣者。泌其津液。注之于脉。化而爲血。以榮
四末。內注五藏六府。以應刻數。雖痘章之所謂中焦出
氣如露。上注谿谷。而滲孫脉。津液和調。變化而赤爲血。
血和則孫脉先滿溢。乃注于絡脉。皆盈。乃注于經脉。陰
陽已張。因息乃行。行有經紀。周有道理。與天合同。不得
休止。是行于脉中。以應呼吸之榮氣。乃中焦所生之津
液。隨三焦之出氣。注于皮膚分肉之氣分。滲于孫絡。變
化而赤爲血。因息乃行。行有經紀。與榮氣篇之始于手
太陰肺。終于足厥陰肝之道路各別也。宗氣積于胸中。

上出于肺。循喉咽。呼則出。吸則入。大肺主皮毛。人一呼則氣出。而入萬四千毛竅皆闔。一吸則氣入。而入萬四千毛竅皆開。此宗氣之應呼吸而司開闔者也。衛氣者。出其悍氣之慄疾。而先行于四末。分肉皮膚之間。晝日行于陽。夜行于陰。司晝夜之開闔者也。呼吸之開闔。人之開闔也。晝夜之開闔。應天之開闔也。是以榮氣衛氣之所出所行。各有其道。故曰。榮出兩行。榮衛之道。此篇論衛氣之始生始出。從陽明之脈絡。分行于上下四旁。而布散于形身之外。積積。猶草木之生長茂盛。

于內也。不得常所者。不得所出所主之常處也。故曰積
于上者。取之大迎天突。蓋衛氣之上出者。從胃之大迎
任之天突。而外出于皮膚也。積于下者。取之二里。蓋衛
氣之下出者。從胃之三里。而外出于皮膚也。積于中者。
取之氣街。與季脇之帶脉。蓋衛氣之布于四旁者。從腹
之氣街。帶脉之章門。而外出于四旁也。夫衛氣乃胃府
水穀所生之氣。足陽明與任脉會于中脘。上會于承漿。
一與帶脉會于臍之左右。而出于腹氣之街。是陽明所生
之氣。從陽明之經脉而出。散于皮膚。此衛氣始出之常

所也。夫衛爲陽。從脈而出。由內而外。自陰而滲于陽。榮爲陰。從谿谷氣分而入于孫脈。經脈自外而內。由陽而入于陰。此陰陽血氣外內交互之妙道也。鷄足者。以足緩伸緩縮。如鷄足之踐地。蓋以疎陽明之經脈。以通衛氣之所出也。胗視其脈大而弦急。及絕不至者。及腹皮急甚者。此衛氣留滯于始生之處。非蘊蘊于所行所出之道路。故不可取之外穴也。此論衛氣始生。始出之常所。與行陽行陰之度數不同。故反論其失常。以證明之。黃帝問于億高曰。何以知皮肉氣血筋骨之病也。億高曰。

色起兩眉薄澤者病在皮唇色青黃赤白黑者病在肌肉
榮氣濡然者病在血氣目色青黃赤白黑者病在筋耳焦
枯受塵垢病在骨。

此言衛氣從內之脈絡布散于皮肉筋骨之間而各有
所在也。色者氣之章也。兩眉間即顴中乃膚之部肺合
于皮故色起兩眉薄澤知衛氣之病在皮也。肌肉者脾
土之外合土灌四藏故觀唇色青黃赤白黑者知衛氣
之病在肌肉也。榮者血之氣也濡潤也血之液爲汗汗
出而濡然者知衛氣之病在血氣也。肝主筋而開竅在

目視目色之青黃赤白黑者。知衛氣之病在筋也。筋合于三陰三陽十二經脈。故五色之並見也。耳者腎之竅。耳焦枯受塵垢者。知衛氣之病在骨也。夫皮肉筋骨。脈外之氣分。衛氣出于形身。而各在其處也。

黃帝曰。病形何如。取之奈何。伯高曰。夫百病變化不可勝數。然皮有部。肉有柱。血氣有輪。骨有屬。黃帝曰。願聞其故。伯高曰。皮之部。輪于四末。肉之柱。在臂脛諸陽分肉之間。與足少陰分間。血氣之輪。輪于諸絡。氣血留居。則盛而起。筋部無陰無陽。無左無右。候病所在。骨之屬者。骨空之所。

以受益而益腦髓者也。黃帝曰：取之奈何？伯高曰：夫病變
化，浮沉深淺，不可勝窮，各在其處。病間者淺之，甚之深之。
問者少之，甚之衆之，隨變而調氣，故曰上工。數上聲，勝平聲，問去聲。

凡承上文而言衛氣行于皮肉筋骨之間，各有所主之
部屬也。衛氣行于皮，輸于四末爲所主之部。蓋衛氣出
于陽，從頭目而下注于手足之五指，故以四末爲部也。
行于肌肉，在臂脛諸陽分肉之間，爲肉之柱。柱之爲言
主也。蓋肉之大分爲谷，小分爲谿。分肉之間谿谷之會
以行榮衛，以會大氣。臂脛之大肉，肉之大分也。榮衛大

氣先會于大分之間。故以臂脛之肉爲主。猶星宇之有
四柱也。是少陰分間。乃是少陰出于氣街。行于分肉之
間。衛氣者。後天水穀之所生也。會少陰先天之氣于分
間。此氣之大會也。諸絡者。孫脉絡脉也。榮氣從絡而行
于經脉。衛氣從絡而出于皮膚。血氣輪轉于諸絡之間。
故氣血留居。則絡脉盛而起矣。衛氣之行于骨者。在骨
空之所以受益而益腦髓者也。骨空者。津液淖澤注于
骨。骨爲屈伸。補益腦髓。髓空在腦後三分。顙際銳骨之
下。蓋髓之所以補益腦者。從尾骶而滲于脊骨。從脊骨

而上滲于髓空以入腦衛氣一日一夜大會于風府其
明日日下一節二十一日下至尾骶二十二日入脊內
其行九日出于缺盆故衛氣之行于外者以脊骨爲所
屬也衛氣之行于筋者無分陰陽左右如留滯于手足
其經之筋卽爲病之所在蓋衛氣者應天之氣也筋者
厥陰風氣之所主也風者大塊之噓氣克滿于天地之
間故與衛氣相合陰陽左右無處不有若夫皮之部肉
之柱猶天之四方骨之屬猶天之道也百病變化者審
察衛氣爲百病母行于皮肉筋骨之間是以浮沉淺深

各在其處。○余伯榮曰。衛氣司晝夜之開闔。以應天之
氣也。一日一夜大會于風府。明日日下一節。二十一日
下至尾翳。二十二日入脊內。其行九日上出缺盆。一月
而環轉一周。是又應月之一月而一周天也。是以月郭
空則海水東盛。衛氣去。形獨居。蓋水與天氣上下相通。
日月運行。隨天道環轉。日日行一度。故一歲而一周天。
月行十三度有奇。故一月而一周天。此陰陽之運行。無
息者也。人與天地相參。一息不運。則失其旋轉之機。而
爲奇恒之病。學者玩索而有得焉。非惟臨病人以觀死。

生更可以通玄門爲養生之秘要。

黃帝問于僂髀曰。人之肥瘦大小寒溫有老壯少小別之奈何。伯高對曰。人年五十已上爲老。二十已上爲壯。十已上爲少。六歲已上爲小。

此論衛氣之有盛衰也。年少小者。衛氣始長。年壯者。衛氣正盛。五十已上。衛氣漸衰。蓋應天之氣。而有四時生長收藏之盛衰也。方盛衰論曰。老從上。少從下。老者應秋冬之氣。從上而方衰于下。少者應春夏之氣。從下而方盛于上。○王子方曰。數始于一。成于三。三而兩之爲

六三而三之成九十八者。二九之數也。二十者陰陽之
一生數始也。五十者五行之生數終也。馬玄臺曰十八已
上六歲已上俱當作已下。

黃帝曰。何以叟知其肥瘦。伯高曰。人有肥有膏有肉。黃帝
曰。別此奈何。伯高曰。臑肉堅皮滿者肥。臑肉不堅皮緩者
膏。皮膚不相離者肉。臑音陶

此以下論衛氣之所以溫分肉。克皮膚。肥腠理者也。腠
理者。肌肉之文理。如豕之精肉。條分而有理。路理中之
白膜曰脂。肉外連皮之肥肉曰肥。故曰臑肉堅而皮滿。

者肥。蓋肥在皮之內。肉之外。故肉堅而皮滿也。膏者。即肥之脂膏。謂如豕肉之紅白相同。而有數層者。爲膏。蓋肥膏之間。于肉內。故肉不堅而皮緩也。此論衛氣之肥廉理。故止論膏。而不論肥。然先言人有肥者。以明膏肥之有別也。皮肉不相離者。謂肉勝而連于皮。肉無膏而外無肥。此亦衛氣之盛于肉理者也。○任谷庵曰。膈肉者。俗名臙肚也。蓋肉之柱。在臂臙諸腸分肉之間。故膈肉堅。則通體之肉堅矣。又止言臙。而不言臂者。氣從下而上也。

黃帝曰。身之寒溫何如。伯高曰。膏者其肉淖而粗理者。寒。細理者身熱。脂者其肉堅。細理者熱。粗理者寒。任谷庵曰。此言衛氣之所以溫分肉也。膏者肉不堅。故其肉淖。淖和也。言膏與肉之相間而相和者也。脂者。腠理固密。故其肉堅。粗理者。衛氣外洩。故身寒。細理者。衛氣收藏。故身熱。

黃帝曰。其肥瘦大小奈何。伯高曰。膏者多氣而皮縱緩。故能縱腹垂腴。肉者身體容大。脂者其身收小。

任氏曰。此復申明衛氣之所以肥腠理溫分肉也。衛氣

一盛則癢理肥。是以膏者多氣而皮縱緩故能經腹垂腴。腴者臍下之少腹也。肉者身體容大。此衛氣盛而滿于分肉也。脂者其身收小。此衛氣深沉不能克于分肉以致脂膜相連而肌肉緊密故其身收小也。○余伯榮曰。衛氣之所以溫分肉者。克實于肉之理路。所謂血氣盛則克膚熱肉。蓋非止溫肌肉而能使肌肉盛滿。身體容大故反覆以申明之。

黃帝曰。三者之氣血多少何如。伯高曰。膏者多氣。多氣者熱。熱者耐寒。肉者多血。多血則克形。克形則平。脂者其血

清氣滑少。故不能大。此別于衆人者也。

任谷庵曰。此言衛氣與榮血相將。克盈于分肉之文理。其膏肥之內。止有衛氣而血不榮也。膏者衛氣盛。故熱而耐寒。肉者肌肉隆盛。故多血。血氣盛則克膚熱肉。故克形。血隨氣行。血氣皆盛。是爲榮衛和平。脂者肌肉緊密。是以血清氣少。故不能大。此三者有肥瘦大小之不同。故與平人之有別也。王子方曰。脂者衛氣不克于分肉。是以血亦清少。血氣相將而行者也。

黃帝曰。衆人奈何。伯高曰。衆人皮肉脂膏不能相加也。血

其氣不能相多。故其形不小不大。各自稱其身。命曰衆人。
余伯榮曰。此言衛氣之浮沉淺深。而各有常所者。其形
不大不小也。衆人者。平常之大衆也。不能相加者。謂血
氣和平。則皮肉脂膏不能相加于肥大也。血氣之浮沉
淺深。各有常所。不能相多于肌肉間也。皮肉筋骨各自
稱其身。故其形不大不小也。

黃帝曰。善治之奈何。伯高曰。必先別其三形。血之多少。氣
之清濁。而後調之。治無失常經。是故奇人縱腹垂腴。肉人
者。上下容大。脂人者。華脂不能大也。

病者爲衛
氣竭爲氣
各病爲氣

此言人之血氣當使之無過不及也。三者之人有肥大之太過。瘦小之不及。故當審其血之多少。氣之清濁。而後調之。無失衛氣之常經。斯爲平和之人矣。此因衛氣失常。是故膏人。縱腹垂腴。肉人者。上下容大。脂人者。雖脂不能大也。蓋衛氣主于皮肉筋骨之間。浮沉淺深。各在其處。若獨克盛于皮膚分肉之間。而使縱腹垂腴。上下容大。或浮沉于筋骨之間。以致脂不能大。皆衛氣之失常也。是以浮沉淺深。不可勝窮。隨變而謂其氣。今日上工。此篇論衛氣失常。以明衛氣所出所循之常所。使

後學知陰陽血氣之生始出人爲治道之張本也

玉板篇六十

黃帝曰。余以小鍼爲細物也。夫于乃言上合之于天。下合之于地。中合之于人。余以爲過鍼之意矣。願聞其故。岐伯曰。何物大于天乎。夫大于鍼者。惟五兵者焉。五兵者。死之備也。非生之具。且夫人者。天地之鎮也。其不可不參乎。夫治民者。亦惟鍼焉。夫鍼之與五兵。其熟小乎。

此章論克溢于皮膚分肉之氣血。從藏府之大絡而出于孫絡皮膚。應天氣之出于地中。而布散于天下。逆之

則傷其所出之絡。勝五兵之殺人矣。大絡者。手太陰之絡。名曰列缺。手少陰之絡。名曰通里。手心主之絡。名曰內關。手太陽之絡。名曰支正。手陽明之絡。名曰偏歷。手少陽之絡。名曰外關。足太陽之絡。名曰飛揚。足少陽之絡。名曰光明。足陽明之絡。名曰豐隆。足太陰之絡。名曰公孫。足少陰之絡。名曰大鍾。足厥陰之絡。名曰蠡溝。此十二藏府之大絡。陽走陰而陰走陽。左注右而右注左。與經脈繆處。其氣血布散于四末。溢于皮膚。分肉間。不入于經俞。以應天氣之運行于天表。故曰。所謂奪其天

氣。夫九鍼之道。一者天。二者地。三者人。小鍼微鍼也。亦所以合于天地人者也。且夫人者。天地之鎮也。其不可不參乎。故治天下之萬民者。亦惟鍼道所合之三才而已。○余伯榮曰。上章論衛氣從陽明之脈絡。而出于皮膚。筋骨之間。此章論皮膚分肉之血氣。從胃之經隧。藏府之大絡。而出于外。卽與衛氣相將之榮氣也。榮衛血氣。雖皆生于胃府水穀之精。然外內出入之道路不一。學者非潛心玩索。不易得也。按管子曰。蚩尤受廬山之銅。而作五兵。是黃帝時。卽有五兵矣。一弓。二矢。三矛。四

五臟。一云東方木。南方火。中央土。西方金。北方水。

黃帝曰。病之生時。有喜怒不測。飲食不節。陰氣不足。陽氣有餘。榮氣不行。乃發爲癰疽。陰陽不通。兩熱相搏。乃化爲膿。小鍼能取之乎。岐伯曰。聖人不能使化者。爲其邪不可留也。故兩軍相當。旗幟相望。白刃陳于中野者。此非一日之謀也。能使其民令行禁止。士卒無白刃之難者。非一日之教也。須臾之得也。夫至使身被癰疽之病。膿血之聚者。不亦離道遠乎。夫癰疽之生。膿血之成也。不從天下。不從地出。積微之所生也。故聖人自治于未有形也。愚者遷其

已成也。黃帝曰：其已形，不予遭。膿已成，不予見。爲之奈何？岐伯曰：膿已成，十死一生。故聖人勿使已成，而明爲良方。著之竹帛，使能者踵而傳之，後世無有終時者，爲其不予遭也。

此言皮膚分肉之氣血從內而出于外，少有留滯，則新積而成癰。癰如發于外而小者，易愈；大者多害。若留積在內，成癰膿而不見者，十死一生也。喜怒不測，飲食不節，內因之所傷也。是以癰疽之生，膿血之成，不從天地之風寒暑濕，乃積微之所生也。是猶兩軍相當，旗幟相

望白亦陳于中野者。此非一日之謀也。能使其民令行
禁止。士卒無白亦之難者。非一日之教也。非須臾之可
得也。故聖人勿使已成。而明爲良方。著之竹帛。使後學
之能者踵而傳之。後世無有終時者。爲其不予遭。遭已成
十死一生之證也。遭遇也。言其已形。而不予遭。遭已成
而不予見。此癰生于藏府之間。而不與我見。乃多死少
生之候也。○余伯榮曰。按本經及素問論所生癰疽。多
因于風寒外邪。有傷榮衛。留積而成癰膿。此因內傷喜
怒飲食。故曰不從天下。不從地出。

黃帝曰。其已有膿血。而後遭乎不道之。以小鍼治乎。岐伯曰。以小治小者。其功小。以大治大者。多害。故其已成膿血者。其惟砭石。鍼鋒之所取也。

余伯榮曰。此言難發于外。而罕見者。有大小之難易也。雖小而以小鍼治之者。其功小而易成。雖大而以大鍼治之者。多有逆死之害。故其已成膿血者。其惟砭石。鍼鋒之所取也。蓋小而淺者。以砭石取膿。大而深者。以鍼鋒取之。鍼鍼大鍼也。

黃帝曰。多害者。其不可全乎。岐伯曰。其在逆順焉。黃帝曰。

顧聞逆順岐伯曰以爲傷者其白眼青黑眼小是一逆也
內藥而嘔者是二逆也。腹痛渴甚是三逆也。肩項中不便
是四逆也。青新已脫是五逆也。除此五者爲順矣。內叶請
此言癰發于外而大者有逆順死生之分焉。夫皮脉肉
筋骨五藏之外合也。癰發于皮肉筋骨之間其氣外行
者爲順。若反逆于內則逆傷其藏矣。如白眼青黑眼小
肺肝腎三藏之氣傷也。內藥而嘔胃氣敗也。脾主爲胃
行其津液。腹痛渴甚脾氣絕也。太陽爲諸陽主氣肩項
中不便陽氣傷也。在心主言心之合脉也。其榮色也。青

面色脫心藏傷也。此五逆者死。除此五者爲順矣。
黃帝曰。諸病皆有逆順。可得聞乎。歧伯曰。腹脹身熱脈大。
是一逆也。腹鳴而滿。四肢清泄。其脈大是二逆也。切而不
止。脈大是三逆也。咳且洩血。脫形其脈小勁是四逆也。欬
脫形身熱脈小以疾。是謂五逆也。如是者。不過十五日而
死矣。

此言血氣之逆于經脈者。不過半月而死也。夫血氣
滯而成癰。癰者積微之所生。其所由來者漸矣。若失其
旋轉之機。又不待成癰而有遺死之害。諸病者。謂凡病

冬生于榮衛血氣之不調。非獨癰腫也。如腹脹身熱。脉大者。逆傷于脾也。腹鳴而滿。四肢清泄。其脉大者。逆傷于腎也。肝主藏血。鈔而不止。逆傷肝也。肺朝百脉。輸精于皮毛。咳而溲血。形脫。其脉小勁。逆傷肺也。夫心主血脉。肺者心之蓋。欬形脫。身熱。脉小。以疾逆傷心也。夫血脉者。五藏之所生也。血氣逆。則失其旋轉之機。而反傷其藏。真矣。經脉應地之經水。水以應月。不過十五日而死者。隨月之盈虛而死。不能終周天之數矣。○王子方曰。堪輿家鑿井。度月影以取泉。

其腹大脹。四末清。形脫泄甚。是一逆也。腹脹便血。其脉大時絕。是二逆也。欬溲血。形肉脫。脉搏。是三逆也。嘔血。胸滿引背。脉小而疾。是四逆也。欬嘔腹脹。且殮泄。其脉絕。是五逆也。如是者。不過一時而死矣。工不察此者而刺之。是謂逆治。殮叶孫

此言氣血之逆。于氣分者。不過一周時而死矣。夫皮膚分肉之氣血。從胃府而注于藏府之大絡。從大絡而出于孫絡。從孫絡而外滲于皮膚。如腹大脹。四肢清。形脫泄甚。是逆于胃之大絡。不得出于皮膚。充于四體也。腹

浮脈有結
沉脈大
有結
沉脈大
有結
沉脈大
有結

展便血。其脉大時絕。逆于腎絡也。欬溲血。形肉脆。脉搏。逆于肺絡也。衄血胸滿引背。脉小而疾。逆于心絡也。欬。嘔腹脹。目眩。津其脉絕。逆于肝脾之絡也。夫胃者。水穀。血氣之海也。五藏之大絡。海之所以行。雲氣于天下之。道路也。水天之氣。上下相通。一晝一夜。達地環轉一周。如逆而不行。則開闔已息。是以不過一周而死矣。夫人。皮以應天。皮膚之氣血。逆而不行。不過一周而死。工不。察此天運之大道。如逆傷其氣。遲則死于家中。速則死。于堂上矣。○任谷庵曰。以上論人之氣血。參合天地之。

道運行無息者也。少有留滯。或漸積而成癰脹。或一息不續。即爲膏肓之病。

黃帝曰。夫子之言。誠甚驗。以配天地。上救天。又下度地。紀內別五藏。外次六府。經脈二十八舍。盡有周紀。能救生人。不能起死者。子能反之乎。岐伯曰。能救生人。不能起死者。也。黃帝曰。余聞之。則爲不仁。然願聞其道。弗行于人。岐伯曰。是明道也。其必然也。其如刀劍之可以殺人。如飲酒使人醉也。雖勿殄。猶可知矣。黃帝曰。願卒聞之。岐伯曰。人之所受氣者。穀也。穀之所生者。胃也。胃者。水穀氣血之海也。

海之所行雲氣者天下也。胃之所用氣血者經隧也。經隧者五藏六府之大絡也。迎而奪之而已矣。黃帝曰。上下有數乎。歧伯曰。迎之五里。中道而止。五至而已。五往而藏之氣盡矣。故五五二十五而竭其輪矣。此所謂奪其天氣者也。非能絕其命而傾其壽者也。黃帝曰。願卒聞之。歧伯曰。闕門而刺之者。死于家中。入門而刺之者。死于堂上。黃帝曰。善乎。方明義道。請若之。玉板以壽。重寶傳之後世。以爲刺禁。令民勿敢犯也。問刺禁

此言胃府所生之氣血。如雲氣之布散于天下者。從藏

府之經。隨布于四末。克于皮膚。分肉之間。不入于經。合者也。驗大也。言鍼道之大。配乎天地也。上數天文。應天之數也。下度地紀。應地之經也。內別五藏。應五運之在中也。外次六府。應六氣之在外也。經脈二十八會。脈度之十六丈二尺也。此言小鍼者。上合于天。下合于地。中合于人。通其經脈。調其血氣。營其順逆。出入之會。可傳于後世。無有終時者。若不察此三才之大道。反逆傷其旋轉之機。又勝五兵之殺人矣。大絡者。十二藏府之經別也。五里者。手陽明之穴。在肘上三寸。蓋藏府之大絡。

與經相干而布于四末。手陽明之大絡。與手陽明之經相干。循五里而散于尺膚。夫藏爲陰。府爲陽。經脈爲陰。皮膚爲陽。手陽明者。手太陰之府也。五藏之血氣行于脈中者。因胃氣而至于手太陰。以應尺寸之脈。五藏之血氣行于脈外者。因胃氣而出于手陽明之絡。以應于尺膚。是以脈急者。尺之皮膚亦急。脈緩者。尺之皮膚亦緩。善調尺者。不待于寸。此十二藏府之血氣行于經脈。皮膚之外內者。大會于手太陰陽明也。故迎之五里中道而止。至者迎其氣之至也。往者追其氣之行也。故五

至而迎其五藏之氣至卽已。若五往而追之。則五藏之氣盡洩于外矣。五藏各有五輪。五五二十五輪。若皆取之。則竭其輪矣。此所謂奪其天氣者也。非由命之自絕。壽之自傾。實所以殺生人也。問者。窺俟其所出也。門者。衛氣篇之所謂契結之門戶。乃氣血從孫絡而出于皮膚之門也。故俟其氣之出門而刺之者。稍緩而死于家中。入門而逆刺于絡內者。卽死于臂者之堂上也。夫天氣一日一夜。連地環轉一周。逆則不過一周而死。况鍼刺之傷乎。是以著之玉板。以爲重寶。傳之後世。以爲刺

禁令民勿敢犯也。○任谷庵曰。人之皮表以應天。經脈應地之經水。天氣運行于地之外。而復通貫于地中。升降出入。環轉無端。而人亦應之。膚表之氣血。從五藏之大絡。而出于皮膚分肉之外。復從手足之指井。而溜于營。注于輪。行于經。而與經脈中之血氣相合于肘膝之間。此人合天地陰陽。環轉出入之大道也。故曰五往而藏之氣盡矣。謂迎之五里。復五往而追之。則五藏之氣盡洩于外。蓋謂皮膚之氣血由五藏之所出也。五五二十五。而竭其輪。此謂奪其天氣。謂手足五輪之氣血從

皮膚之所入也。若盡取其五藏之五輪。則竭其輪中之血。而奪其皮表之天氣也。血氣之生。始由人。參合天地陰陽。乃端本澄源之學。大有裨于治道。學者當以爲首務焉。○余伯榮曰。按內經論經脈之血氣。曰藏之金。賤論皮膚分肉之血氣。曰著之玉板。蓋因金玉之黃白。而分血氣之陰陽也。類而推之。如金銀花玉。不留行。花開黃白。陶隱君卽用之以行氣血。張仲祖以鷄卵黃治血。卵白治氣。此皆體先聖之遺意。學者引而伸之。獨類而長之。天下事物之理。用之不窮矣。

五禁第六十一

黃帝問于岐伯曰。余聞刺有五禁。何謂五禁。岐伯曰。禁其不可刺也。黃帝曰。余聞刺有五奪。岐伯曰。無寫其不可奪者也。黃帝曰。余聞刺有五逆。岐伯曰。補寫無過其度。黃帝曰。余聞刺有五逆。岐伯曰。病與脉相逆。命曰五逆。黃帝曰。余聞刺有九宜。岐伯曰。明知九鍼之論。是謂九宜。

余伯榮曰。此承上章復論刺有五禁。五奪。五過。五逆。以爲刺禁。令民勿犯者也。五過者。五藏外合之皮脉肉筋骨有邪正虛實宜平調之。如補寫過度。是爲五過。九宜。

者九鍼之論各有所宜。神而明之。是爲九宜。
黃帝曰。何爲五禁。願聞其不可刺之時。岐伯曰。甲乙日可
乘。無刺頭。無發滕于耳內。丙丁日自乘。無振埃于肩髃。厥
泉。戊己日自乘。四季無刺腹去爪。通水。庚辛日自乘。無刺
關節于股膝。壬癸日自乘。無刺足脛。是謂五禁。

余氏曰。天之十干。始于甲乙。終于壬癸。故甲乙以應頭。
壬癸以應足。丙丁應身半以上。庚辛應身半以下。配天
之四時也。戊己屬土。故乘于四季。夫甲爲陽木。乙爲陰
木。自乘者。陰陽自合。非化氣也。發滕振埃者。所以通氣。

余氏曰。形肉血氣已虛脫者。雖有實邪。皆不可寫。

黃帝曰。何謂五逆。岐伯曰。熱病脈靜。汗已出。脈盛躁。是一逆也。病泄脈洪大。是二逆也。著痺不移。肌肉破。身熱脈偏絕。是三逆也。濡而奪形。身熱色天然白。及後下血。衄血。衄

篇重是謂四逆也。寒熱奪形。脉堅搏是謂五逆也。

余氏曰。熱病脉靜者。陽病見陰脉也。清也。出脉盛躁者。陰熱之邪。不從汗解。陰液去。而邪反盛也。病甚者。脉宜沉病。反洪大者。陰泄于下。陽盛于上。陰陽上下之相離也。若痺不移。咽肉破。身熱者。濕邪傷形。久而化熱。脉偏絕者。脾胃之氣敗也。濡者。酷虐之邪。奪形者。邪傷形也。如但熱不寒之瘧。氣內藏于心。而外濡于分肉之間。令人消燼脫肉。夫心主血。而血脉榮于色。色天然白。及後下衄血。篤重者。形氣消于外。血液脫于內。血氣盡內之。

離股也。寒熱奪形。脈堅搏者。寒熱之邪虛而正氣傷也。此爲五逆。皆不可刺也。

動輸第六十二

黃帝曰。經脈十二。而手太陰足少陰陽明獨動不休。何也。岐伯曰。是明胃脈也。胃爲五藏六府之海。其清氣上注于肺。肺氣從太陰而行之。其行也。以息往來。故人一呼脈再動。一吸脈亦再動。呼吸不已。故動而不止。黃帝曰。氣之過于寸口也。上十焉。息下八焉。伏何道從還。不知其極。岐伯曰。氣之離藏也。卒然如弓弩之發。如水之下岸。上于魚腹。

反表其餘氣衰散以上逆故其行微

此章論榮衛宗氣循度行於經脉之外內。衝脉行於足少陰陽明之經。而出於腹氣脛氣之街。以明血氣之行於經脉皮膚之間。交相和平俞應者也。帝問手太陰足少陰陽明獨動不休者。謂手太陰之太淵經渠。足陽明之人迎衝陽。足少陰太谿之動脉也。伯言是明胃脉者。謂胃爲五臟六腑之海。其營衛宗氣皆胃府穀精之所生也。清氣上注於肺者。營氣宗氣也。肺氣從太陰而行之者。脉氣隨三陰三陽之氣而行也。其行也以息往來。

者。人一呼一吸。脉行六寸。日夜一萬三千五百息。脉行
八百十丈爲一周也。帝問氣之道於寸口。上十焉息者。
乃營氣衛氣宗氣。盡走於息道。而變見於寸口也。下八
焉伏者。謂流溢於中之榮血。下伏於胞中。故如水之下
岸也。按本經營氣篇曰。營氣之道。內穀爲實。穀入於
乃傳之肺。流溢於中。布散於外。精專者行於經隧。常營
無已。終而復始。夫帝言下伏之營血有八。是精專而行
於經隧之營止二分矣。夫營氣行於脉中。衛氣行於脉
外。宗氣兩行營衛之道。此經脉外內之氣。相爲和平。而

二分行于
肱山二寸
二分行于
肱山二寸
二分行于
肱山二寸
二分行于
肱山二寸
二分行于
肱山二寸
二分行于
肱山二寸

有形之營血。分行於外內。亦相爲勻等者也。夫衝脉起於胞中。上循背裏。爲經絡之海。其浮而外者。循脇右上行。至胸中而散。充膚熱肉。滲滲皮毛。此下伏於臍中之血。半隨衝脉而行於脉內。半隨衝脉而散於皮膚。又足陽明之脉。與衝脉於臍左右之動脉。而出於股氣之街。衝脉與少陰之大絡。循陰股而下。出於脛氣之街。夫精專者。二分行於經隧。隨衝脉者。二分出於氣街。是經脉外內之氣血。相爲勻等矣。皮膚之氣血。從指井而溜注於營會。脉中之血氣。從本標而外出於膚表。從道往還。

萬方會集
少行身法
呼吸滿下
之氣分別
故帝復問
而伯復答
之

莫知其極矣。伯言氣之離臟卒然如弓弩之發者。謂五臟之氣。至於手太陰而變見於寸口者。應手而動。若弓弩之發弦。上於魚際。則動氣衰而無動脈矣。其餘氣衰散以逆上者。謂餘氣分散而上注於手陽明大腸之經。故其脈上魚而其行微緩也。此言五臟之氣因胃氣而至於手太陰。腹走手而手走頭。頭走足而足走腹。常營無已。終而復始。環轉之無端也。

黃帝曰。足之陽明何因而動。岐伯曰。胃氣上注於肺。其悍氣上衝頭者。循咽上走空竅。循眼系入絡腦。出顙下客主人。

人循牙車。合陽明。并下人迎。此胃氣別走於陽明者也。故陰陽上下其動也若一。故陽病而陽脈小者爲逆。陰病而陰脈大者爲逆。故陰陽俱靜俱動。若引繩相傾者病。此順音此言陽明之氣盛而獨動不休者也。陰陽繫日月輪。日兩陽合於前。故曰陽明。又曰兩火合。并故爲陽明。是陽明主燥金之氣。而又有悍熱之火氣也。胃氣上注於肺。者胃府所生之榮氣宗氣。上注於肺。而行於經脈之外。以應呼吸漏下。其悍熱之氣。上衝頭者。循咽上走空竅。循眼系入絡。屬出頤下客主人。循牙車。此陽明之悍

氣上走空竅。行於皮膚之氣分。而下合於陽明之脉中。
升下人迎。此胃府所生之悍氣。別走於陽明者也。故陰
陽上下。其動也若一。蓋身半以上爲陽。身半以下爲陰。
謂在上之人迎。在下之衝陽。其動之相應也。故陽病而
陽脉小。陰脉大者爲逆。陰病而陰脉大。陽脉小者爲逆。
故陰陽上下。靜則俱靜。動則俱動。若引繩墨。如相傾而
不相應者。則爲病矣。按上章曰。胸氣有衝。腹氣有衝。頭
氣有衝。脛氣有衝。氣在腹者。止之背膂。與衝脉於臍左
右之動脉間。天足陽明之脉。其支者下人迎。入缺盆。循

缺盆下乳內廉。扶臍入氣街中。其支者下循腹裏。至
街中而合。以下髀關。循股外廉。至足跗上。夫胃之悍氣
合陽明之脈而下人迎。扶臍入氣街中。則與衝脈相合
而出於腹氣之街矣。其下行而出於足跗者。動於衝陽
而上。與人迎之相應也。

黃帝曰。足少陰何因而動。歧伯曰。衝脈者。十二經之海也。
與少陰之大絡起于腎。下出于氣街。循陰股內廉。邪入腠
中。循脛骨內廉。並少陰之經。下入內踝之後。入足下。其別
者邪入跗。出屬跗上。入大指之間。注諸絡。以溫足脛。此脈

之常動者也。邪僻同。

此言流溢于血氣。一從衛脈與足少陰之大絡而

下出于足腓之氣街。循陰股內廉者。血氣出于皮膚。仍

循少陰之經而行也。斜入腠中者。與太陽之承山驛上

以下也。其別者。乃少陰之支絡。別走于踝踰上入大指

之間而散于十指之絡。是以陽氣起于足五指之表陰

氣起于足五指之裏。蓋陰陽二氣本于先天之水火。藏

于腎藏。出于下而升于上也。夫衛氣者。陽明所生之氣

也。上節論衛氣之別走陽明。合于人迎。是從膺胸臍腹

衛氣本下

出于五指

此後天所

生之氣

也

而下至跗上。如左右之動脈。與衝脈會于臍間。則陽明之血氣。隨衝脈而出于腹氣之衝矣。此節論衝脈與少陰出于歷氣之衝。蓋手足十二經之本標。止出于頭氣之衝。胸氣之衝。榮衛之行。從本而入。從標而出。上下相貫。如環無端。其腹氣之衝。歷氣之衝。乃別出陽明少陰之血氣。不在十二經脈本標之內。故別提出陽明少陰之動輸焉。

黃帝曰。榮衛之行也。上下相貫。如環之無端。今有其卒然遇邪氣。及逢大寒。手足解惰。其脈陰陽之道。相輸之會。行

相失也。氣何由運。歧伯曰。夫四末陰陽之會者。此氣之大絡也。四街者。氣之徑路也。故絡絕則徑通。四末解則氣從合。相輪如環。黃帝曰。善。此所謂如環無端。莫知其紀。此之謂也。

此甲明經脈之血氣。從四街而出行于脈外。皮膚分肉之氣血。從四末而入行于脈中。上下相貫。環轉之無端也。四末者。四肢之秒末。手足之指井也。其脈者。謂手足三陰三陽之經輪。陰陽之道者。血氣從此所行之道路也。相輪之會。氣從合者。謂皮膚之氣血。從四末而溜于

此篇其論
 氣血合氣
 論少陰陽
 之術此後
 明所生之
 血氣出可
 論經脈之
 血氣外此
 于皮膚此
 論經脈之
 血氣外此
 于皮膚此
 論經脈之
 血氣外此
 于皮膚此

脉中。輸行于經。而與脉中之血氣相合。入于肝肺之間。而與脉中之血氣相合。故曰四末解。則氣從合。蓋假風寒之邪。以明四末乃陰陽之會。氣從此而所入之大絡也。如因邪氣所阻。則手足懈惰。而道路不通。氣何由而環轉。如四末和解。則氣血輸會于脉中。而還轉于氣街矣。夫經脉者。內連于臟府。外絡于形身。外內出入常營無已。絡脉者。乃經脉之支別。如江河之支流。至稍秒而有盡也。四街者。氣之徑路也。故絡絕則經通。手足十二經之本標。出于頸氣之街。胸氣之街。陽明所生之血氣。

五臟曰衛
 氣三焦在
 皮膚與衛
 氣于腠左
 右之微原
 氣在經者
 通承山脈
 上以下此
 中明出
 下脈氣脈
 氣之動也
 乃陽明之
 氣之動也

復出于腹氣之街。少陰所藏之血氣。復出于腰氣之街。
 此經脈中之血氣。復從絡脈之盡處。出于氣街而行于
 皮膚分肉之外也。此榮衛之行于皮膚經脈之外內。上
 下相貫。如環無端。莫知其紀也。○王子方曰。本經云。營
 行脈中。衛行脈外。又曰。浮氣之不循經者。為衛氣。精氣
 之營于經者。為營氣。今復言營衛之行。環轉于經脈之
 外內。豈經義自相矛盾與。曰。衛氣晝行于陽。夜行于陰。
 應天氣之專明。天道右旋。地道左轉。天運于地之外。交
 相逆順而行。應營氣行于脈中。衛氣行于脈外。外內清

氣血行于
中土
經絡
經絡
經絡

周之不相干也。然天氣運行于地之外。而復通貫于地
中有四時之寒暑往來。生長收藏。此天地陰陽之氣。上
下升降。外內出入。有分有合。環轉無端。是以榮衛之行。
環轉于皮膚經脈之外內者。應天地之氣交也。夫所謂
營行脈中者。起于手太陰肺。終于足厥陰肝。腹走手而
手走頭。頭走足。而足走腹。一脈流通。終而復始。此營血
之行于脈中也。又別出兩行營衛之道。清者為榮。濁者
為衛。營行脈中。衛行脈外。營于脈中者。循手足之十二
經脈。及陰陽諸絡。任脈督脈。合十六丈二尺。為一周。晝

行二十五度。夜行二十五度。應呼或漏下者。此榮氣之行于脉中也。衛氣晝行陽二十五度。夜行陰二十五度。此榮氣衛氣各走其道。清濁外內之不相干也。若夫手足之三陰三陽。十二經脈。皆從指井所出而營于五藏之二十五腧。六府之三十六腧。夫指井滯風甲如非許。乃血肉筋骨之盡處。血氣皆從何來。而曰所出爲井耶。蓋受皮膚之氣血。從此而灌注于脉中。十二經脈之血氣。皆從此而生出。故曰所出爲井。所謂爲營。所注爲輸。所行爲經也。充膚熱肉之氣血。歸隨夫胃。制精而行。同

流于經脈之中。故曰榮衛之行也。上下相貫。四末陰陽之會者。此氣之大絡也。夫宗氣半行于脈中。半行于脈外。營血半營于經隧。半營于皮膚。營氣行于脈中。衛氣行于脈外。陰中有陽。陽中有陰。猶兩儀四象之定體。血氣貫通于外內。應天地之氣交。一息不運。則生化滅矣。夫皮膚氣分爲陽。經脈血分爲陰。陽走陽而陰走陰。此陰陽之相離也。陰出于陽。陽入于陰。此陰陽之相合也。陰陽之道。有離而有合也。若行于陽者。止行于陽。行于陰者。止行于陰。無外內出入之神機。而生化亦滅矣。陰

陽之奧。會心者明之。○余伯榮曰。五亂脈論言衛氣亂
脈。是謂大悅。衛氣逆爲脈脹。衛氣並脈循分爲膚脹。若
衛氣行于脈內。豈非亂脈乎。曰。衛氣之在身也。常然並
脈循分肉行。有逆順。陰陽相隨。乃得天和。謂脈內之血
氣順行。而脈外之氣血逆轉。行有逆順。乃得天地之和。
衛氣亂脈者。謂衛氣順脈而行也。若夫環轉于皮膚經
府之外。內正所謂交相逆順而行。又何亂之有。

五味集六十三

黃帝問于少俞曰。五味入于口也。各有所走。各有所病。酸走筋。多食之令人癢。鹹走血。多食之令人渴。辛走氣。多食之令人洞心。苦走骨。多食之令人變。甘走肉。多食之令人悅心。余知其然也。不知其何由。願聞其故。

說問同

任谷庵曰。按五運行大論云。東方生風。風生木。木生酸。酸生肝。肝生筋。南方生熱。熱生火。火生苦。苦生心。心生血。血是五藏本于五味之所生。而生外合之筋骨血肉也。是以五味入口。而各有所走。夫心主血。腎主骨。苦乃火

之味鹹。乃水之味。苦走骨而鹹走血者。陰陽水火之交
濟也。肺主氣。故辛走氣。

少俞答曰。酸入于胃。其氣澁以收。上之兩焦。弗能出入也。
不出。卽留于胃中。胃中和溫。則下至膀胱。膀胱之脫薄。以
濡。得酸則縮。縛而不通。水道不行。故癰。陰者。積筋之所
終也。故酸入而走筋矣。

任氏曰。五味陰陽之用。辛甘發散爲陽。酸苦涌泄爲陰。
鹹味涌泄爲陰。淡味滲泄爲陽。六者或收或散。或緩或
急。或燥或潤。或與或堅。是發散潤泄之中。而又有收散。

緩急之性矣。上焦開竅。宣五穀味。中焦出氣如露。以行
水穀之津。酸氣收澁。故弗能出于上之兩焦。不出則留
于胃而溜于下焦。注于膀胱矣。膀胱爲野之室。脾居于
中。故膀胱之體質脆薄。以濡得酸則易于縮絀。縮則約
而不通。水道不行。故爲癰閉。陰者。前陰。積筋者。宗筋也。
宗筋者。筋之主也。酸入于宗筋。故走筋也。按經筋章云。
足厥陰之筋。上循陰股。結于陰器。絡諸筋。其病陰股痛。
轉筋。陰器不用。傷于內則不起。傷于寒則陰縮入。傷于
熱則縱挺不收。是足厥陰肝經主宗筋。而外合于通體。

之筋。

黃帝曰。臍走血。多食之令人渴。何也。少俞曰。臍入于胃。其氣上走中焦。注于脉。則血氣走之。血與臍相得。則凝。凝則胃中汁注之。注之則胃中竭。竭則咽路焦。故舌本乾而善渴。血脉者。中焦之道也。故臍入而走血矣。

汪氏曰。中焦並胃中。出上焦之後。此所受氣者。泌糟粕。蒸津液。化其精微。上注于肺脉。乃化而爲血。臍入于胃。其氣上走中焦。注于脉者。臍性之上通也。注于脉則走于血氣矣。血者中焦之汁。奉心神而化赤。臍乃衆水之

水。故血與氣相得則凝。凝則燥結而胃中之汁以滋之。
胃中汁竭。則咽喉焦枯。故云本乾而善渴。血脈者。中焦
之道路。氣上走于中焦。故走血。王子曰。胃府水穀之
精汁。化而爲赤。營于脈中。人一呼一吸。脈行六寸者。血
氣之流行也。呼吸不已。血氣之行。無少停息。故血凝則
胃中之汁注之。以資其流行。

黃帝曰。辛走氣。多食之令人洞心何也。少俞曰。辛入于胃。
其氣走于上焦。上焦者。受氣而營諸陽者也。薑韭之氣薰
之。營衛之氣不時受之。久留于心。故洞心。辛與氣俱行。故

辛入而與汁俱出。

任氏曰。上焦開發。宣五穀味。薰膚充身澤毛。若霧露之
溉。是謂氣。辛走氣。故其氣走于上焦。上焦者。受中焦之
氣。而營諸表陽者也。夫營衛之氣。生于中焦。皆從上而
出。故薑莖之氣上熏。則營衛之氣不時受之。久則心下
則爲洞心。辛與上焦之氣俱行于表陽。則開發皮膚而
汗出。○俞伯榮曰。辛氣留于心下而上熏。則爲洞心。與
氣俱行。則與汗共并而出。蓋汗乃中焦水穀之液也。○
王子方曰。論五味而曰氣者。味之性也。

黃帝曰苦走骨多食之令人變嘔何也少俞曰苦入于膽五穀之氣皆不能勝苦苦入下脘三焦之道皆閉而不通故變嘔齒者骨之所終也故苦入而走骨故入而復出知其走骨也。

任谷庵曰炎上作苦君主之味也故五穀之氣皆不能勝之苦性下泄故入于下脘三焦者少陽相火也苦性寒故三焦之道皆閉塞不通三焦不通則入胃之水穀不得通調布散故變而爲嘔也夫腎主骨腎爲衆水之藏苦性寒故走骨同氣相感也然苦乃火味故入于下

而復出于上。以其性下泄而上涌也。○余伯榮曰。少陰之上。君火主之。標陽而本寒也。炎上作苦。而苦寒下泄。此少陰之味也。故能從本從標。天食人以五氣。地食人以五味。地之五行。上呈天之六氣。是以味合五行。氣合三陰三陽之六氣。

黃帝曰。甘走肉。多食之令人悅心。何也。少俞曰。甘入于胃。其氣弱小。不能上至于上焦。而與穀留于胃中者。令人柔潤者也。胃柔則緩。緩則蠱動。蠱動則令人悅心。其氣外通於肉。故甘走肉。

任谷庵曰。稷。猶作甘。坤土之味也。坤德柔順。故其氣
一小。太陰濕土主氣。故令人柔潤。柔者土之性。潤乃濕之
氣也。夫蟲乃陰類。胃秉陽明燥熱之氣。若胃柔而燥。則
蟲動而上入于胃矣。蟲上食。故令人懷心。土氣外主于
肌肉。故甘走肉。○馬玄臺曰。稷當作蟲。